

**Kalaallit Nunaanni sulisilluni ajoqusersinnaanermik isumannaarineq pillugu inatsit naapertorlugu 1. januar 2017-imi allaffissornermut akit pillugit nalunaarut**

Kalaallit Nunaanni sulisilluni ajoqusersinnaanermik isumannaarineq pillugu inatsimmi nr. 1528, 21. december 2010-meersumi § 64, imm. 4 aamma § 74, imm. 2, inatsisikkut nr. 627, 8. juni 2016-imeersukkut allanngortinneqartoq naapertorlugu, aalajangersarneqarpoq:

*Suliat Kalaallit Nunaanni sulisilluni ajoqusersinnaanermik isumannaarineq pillugu inatsimmi pineqartut Arbejdsmarkedets Erhvervssikringip aamma Ankestyrelsip allaffissuutiginerannut akit*

**§ 1.** Pissutsinut Kalaallit Nunaanni sulisilluni ajoqusersinnaanermik isumannaarineq pillugu inatsimmi pineqartunut Arbejdsmarkedets Erhvervssikringip allaffissorneranut aamma peqqussutinut atuutereersimasunut sillimmasiisarfinnullu imaluunniit Arbejdsmarkedets Erhvervssygdomssikringimut tunngasunut, tak. inatsimmi § 64, akiliisarnerit pisassapput akit makku najoqqutaralugit:

- 1) Ajoqusernerit 6.690 kr.
- 2) Inuussutissarsiutinut nappaatinut 5.680 kr.

*Imm. 2.* Imm. 1-imi akit taaneqartut suliat nalunaarutigeqqammikkat suliarinerannut aamma suliat iluarsissutinut suliarinneqqilernernullu tunngasut suliarinerannut akiliutigineqartassapput.

**§ 2.** Suliatut pilersinneqartumut ataatsimut 1. januar 2017-imi tamatumaluunniit kingorna pilersumut Ankestyrelsip allaffissorneranut 9.310 kr. akiliutigineqassapput. Suliami aalajangiinerit ilaannut tamanut Ankestyrelsi suliamik aallartitsisassaaq.

*Kalaallit Nunaanni sulisilluni ajoqusersinnaanermik isumannaarineq pillugu inatsimmi § 74 aamma Kalaallit Nunaanni taarsiissuteqarnissamut akisussaassuseqarneq pillugu inatsisip Kalaallit Nunaanni atuutilersinneqarnissaa peqqussummi nr. 796, 1. oktober 1993-imeersumi § 10 malillugit oqaaseqaateqarnermut akiliisarneq*

**§ 3.** Inatsimmi § 74 malillugu oqaaseqaateqarnermut akiliineq pisassaaq akit makku malillugit:

- 1) Inuussutissarsiorsinnaassusermik annaasaqarneq pillugu oqaaseqaat: 23.040 kr.
- 2) Oqaaseqaateqarnerit allat: 6.710 kr.

*Imm. 2.* Suliat pillugit allagaatit erseqqinnerusumik taaneqartut tunngavigalugit piffissani erseqqinnerusumik taaneqartuni pigallartutut missingersorneqarsinnaanersut imaluunniit ajoquseritup siunissami inuussutissarsiorsinnaanera, tamatumunnga peqatigitillugu allanik oqaaseqaateqarnissamut qinnuteqaateqarsimaneq apeqqutaatinnagu taamaatsivinnerisooq pillugu oqaaseqaateqarnermi aki imm. 1, nr. 1-imi taaneqartoq immikkut ittumik aamma malinneqassaaq.

*Imm. 3.* Imm. 1 aamma 2 malillugit aningaasat oqaaseqaateqarnissaq pillugu qinnuteqaateqarnermut peqatigitillugu akilerneqassapput.

#### *Atuutilerfia*

§ 4. Nalunaarut atuutilersinneqarpoq ulloq 1. januar 2017.

*Imm. 2.* Nalunaarutit makku atorunnaarsinneqarput:

- 1) Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu 1. januar 2016-imit aningaasat tunniunneqartartut annertussusii pillugit nalunaarut nr. 1221, 30. oktober 2015-imeersoq.
- 2) Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu 1. januar 2014-mit aningaasat tunniunneqartartut annertussusii pillugit nalunaarutip allanngortinneqarnera pillugu nalunaarut nr. 1115, 10. oktober 2014-imeersoq.
- 3) Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu 1. januar 2014-mit aningaasat tunniunneqartartut annertussusii pillugit nalunaarut nr. 1203, 15. oktober 2013.
- 4) Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu 1. januar 2013-mit aningaasat tunniunneqartartut annertussusii pillugit nalunaarut nr. 992, 12. oktober 2012.
- 5) Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu 1. januar 2012-mit aningaasat tunniunneqartartut annertussusii pillugit nalunaarut nr. 1106, 30. november 2011.
- 6) Kalaallit Nunaanni sulisilluni ajoqusersinnaanermut isumannaarineq pillugu inatsit naapertorlugu 1. januar 2011-mit aningaasat tunniunneqartartut annertussusii pillugit nalunaarut nr. 1660, 21. december 2010.
- 7) Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut naapertorlugu 1. januar 2010-mit aningaasat tunniunneqartartut annertussusii pillugit nalunaarut nr. 611, 2. juni 2010.
- 8) Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut naapertorlugu 1. januar 2009-mit aningaasat tunniunneqartartut annertussusii pillugit nalunaarut nr. 1035, 23. oktober 2008.
- 9) Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut naapertorlugu 1. januar 2008-mit aningaasat tunniunneqartartut annertussusii pillugit nalunaarut nr. 1293, 20. november 2007.
- 10) Kalaallit Nunaanni sulisilluni ajoqusersinnaanerit kingunerisaannik isumannaarineq pillugu inatsisip atuutilersinneqarneranik peqqussut naapertorlugu 1. januar 2007-imit aningaasat tunniunneqartartut annertussusii pillugit nalunaarut nr. 1048, 23. oktober 2006.
- 11) Kalaallit Nunaanni sulisilluni ajoqusersinnaanerit kingunerisaannik isumannaarineq pillugu inatsisip atuutilersinneqarneranik peqqussut naapertorlugu 1. januar 2006-imit aningaasat tunniunneqartartut annertussusii pillugit nalunaarut nr. 990, 19. oktober 2005.
- 12) Kalaallit Nunaanni sulisilluni ajoqusersinnaanerit kingunerisaannik isumannaarineq pillugu inatsisip atuutilersinneqarneranik peqqussut naapertorlugu 1. januar 2005-imit aningaasat tunniunneqartartut annertussusii pillugit nalunaarut nr. 1034, 22. oktober 2004.
- 13) Kalaallit Nunaanni sulisilluni ajoqusersinnaanerit kingunerisaannik isumannaarineq pillugu inatsisip atuutilersinneqarneranik peqqussut naapertorlugu 1. januar 2004-mit aningaasat tunniunneqartartut annertussusii pillugit nalunaarut nr. 854, 20. oktober 2003.

14) Kalaallit Nunaanni sulisilluni ajoqusersinnaanerit kingunerisaannik isumannaarineq pillugu inatsisip atuutilersinneqarneranik peqqussut naapertorlugu 1. januar 2003-mit aningaasat tunniunneqartartut annertussusii pillugit nalunaarut nr. 895, 5. november 2002.

*Beskæftigelsesministeriet, ulloq 9. december 2016*

TROELS LUND POULSEN

/ Nanna Møller